

之本習而進之猶假翰以登天反思而究則如坐堂上而覩階前也不曰靜乎撓而不煩不曰真乎作而不妄先生拜而謝曰瑱得之矣自信而不疑自明而不昧自古及今繩繩而不絕者其斯之謂歟丹陽乃首肯瑱再拜而退後得玄門十解元者自先生始也凡初入道者丹陽以先生爲兄壬寅丹陽東歸甯海先生侍行明年丹陽羽化先生代師行化海上明昌中與雲中蘇公無染柳公奉長春師叔命同飛鳥燕薊演化度人應緣接物十有餘年玄化大行於泰和丁卯夏四月先生時寓燕都城東永壽觀忽告眾曰吾當歸矣不數日示微疾而逝道眾具禮葬之觀東兵後乙巳冬改葬於五華山庚戌歲十二月奉朝命

道藏輯要

祖庭內傳

八

翼集一

八

追贈胡玄惠正朝虛真人號蓋掌教真常真人請之也

來靈玉

先生世爲京兆右族姓來氏諱靈玉道號真陽子幼習儒業鄉里以解元呼之大定十年間禮丹陽宗師出家迨丹陽東歸海上先生侍行嗣後事跡無所可考姑略紀其大槩他日得之當爲詳錄

雷大通

先生姓雷氏名大通道號洪陽子世爲延安敷政之巨族身長六尺情懷雅淡不事小節眉疎目秀耳大準直脣如渥丹鬚髯美細幼業儒素嘗以詞賦魁鄉選故時人以解元稱之當大定